



განათლების მართვის საინფორმაციო სისტემა

სატენდერო დოკუმენტაცია

სსიპ განათლების მართვის საინფორმაციო სისტემის მონაცემთა ცენტრის უწყვეტი კვების
სისტემის შეკეთება/აღდგენა მომსახურების სახელმწიფო შესყიდვა

გამარტივებული ელექტრონული ტენდერის საშუალებით

ანგარიშსწორება განხორციელდება 2016 წლის სახელმწიფო ბიუჯეტის სახსრებით

50500000 - ტუმბოების, სარქველების, ონკანებისა და ლითონის კონტეინერების, ასევე, მანქანა-დანადგარების
შეკეთება და ტექნიკური მომსახურება

50532000 - ელექტრონული მანქანა-დანადგარების, აპარატურისა და მათთან დაკავშირებული მოწყობილობების
შეკეთება და ტექნიკური მომსახურება

ქ. თბილისი

2016 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად. (შემდგომში – წესი)

1.2 წესით განსაზღვრულ პროცედურებსა და სახელმწიფო შესყიდვების ერთიან ელექტრონულ სისტემაში არსებულ პროცედურებს შორის შეუსაბამობის წარმოშობის შემთხვევაში უპირატესობა ენიჭება სისტემაში არსებულ პროცედურებს.

1.3 სატენდერო წინადადების წარდგენისათვის მონაწილე უნდა დარეგისტრირდეს სისტემაში, დაეთანხმოს აფიდავიტის, შემდეგ წარმოადგინოს სატენდერო წინადადების უზრუნველყოფის ელექტრონული გარანტია და გადაიხადოს ტენდერში მონაწილეობის საფასური.

1.4 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1(ერთი) პროცენტს. წინადადების წარდგენისათვის საფასურის ოდენობა შეადგენს 50 ლარს.

1.5 სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისაგან.

ტექნიკური დოკუმენტაცია არის შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.6 ტექნიკური დოკუმენტაციის ატვირთვის შემდეგ პრეტენდენტი სპეციალურ ველში უთითებს სატენდერო წინადადების ფასს (**დღგ-ს ჩათვლით**).

1.7 სატენდერო წინადადების ფასის მითითებისთანავე, პრეტენდენტს საშუალება ეძლევა მონაწილეობა მიიღოს ელექტრონულ ვაჭრობაში. ძირითად დროში შესაძლებელია ფასის ცვლა კლებადობის პრინციპით და შემსყიდველის მიერ კლების წინასაწარ განსაზღვრული მინიმალური ოდენობის - ბიჯის - არანაკლები ოდენობით.

1.8 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი. პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი.

1.9 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარმოადგინეს წინადადება დადგენილი წესით. წინადადების ფასის წარდგენის რიგითობა განისაზღვრება შემდეგნაირად: პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.10 სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ. ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.11 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს შემსყიდველი ორგანიზაცია.

1.12 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.13 პრეტენდენტს არა აქვს უფლება წარმოადგინოს ალტერნატიული წინადადება

1.14 სატენდერო დოკუმენტაციასთან დაკავშირებული განმარტების ან/და დაზუსტების მიღება პრეტენდენტს შეუძლია სისტემის მოდულის „კითხვა/პასუხის“-ს მეშვეობით.

2. ტექნიკური დოკუმენტაცია

2.1 საკვალიფიკაციო მონაცემების დამადასტურებელი დოკუმენტების წარმოდგენა არ მოითხოვება.

2.2 ანგარიშსწორების პირობები:

2.2.1 შესყიდვის სავარაუდო ღირებულება შეადგენს **8200.00 (რვა ათას ორასი და 00 თეთრი) ლარს**.

2.2.2 სატენდერო წინადადებაში ფასი გამოსახული უნდა იყოს შესყიდვის ობიექტის მიწოდებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადების გათვალისწინებით.

2.2.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში;

2.2.4 ანგარიშსწორება მოხდება უნაღდო ანგარიშსწორებით ლარში, ანგარიშსწორება მოხდება მხარეთა შორის მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის ვადაში.

2.2.5 დაფინანსების წყარო: **2016 წლის საბიუჯეტო ასიგნებები**.

2.2.6 ხელშეკრულების შესრულების უზრუნველყოფის საბანკო/სადაზღვევო გარანტია არ მოითხოვება.

2.3 შესყიდვის ობიექტის ტექნიკური დავალება და გასაწევი მომსახურების ჩამონათვალი

მონაცემთა ცენტრის უწყვეტი კვების სისტემის შეკეთება/აღდგენა:

ზოგადი მოთხოვნები

სატენდერო გამოცხადების საგანს წარმოადგენს უწყვეტი კვების სისტემის შეკეთება, რომელიც უნდა მოიცავდეს:

1. უწყვეტი კვების სისტემის დაზიანებული ძალოვანი მოდულის აღდგენა;


უწყვეტი კვების სისტემის შეკეთება:

ამ მომენტში სისტემა ფუნქციონირებს სარეზერვო სიმძლავრის/მოდულის გარეშე, აუცილებელია სისტემის შეკეთება განხორციელდეს ისე, რომ სასერვერო აპარატურას არ შეუწყდეს კვების მიწოდება დაუგეგმავად და შემსყიდველთან შეთანხმების გარეშე.

შეკეთება უნდა განხორციელდეს ადგილზე – დამკვეთის ობიექტზე და უნდა განხორციელოს სერტიფიცირებულმა მოწვეულმა ინჟინერმა.

სისტემის შეკეთება/აღდგენა უნდა განხორციელდეს იმგვარად, რომ არ გაუარესდეს არსებული სისტემის რომელიმე პარამეტრი ან/და არ დაზიანდეს მისი რომელიმე კომპონენტი, ამასთან შეკეთების შემდეგ აღდგენილ უნდა იქნას უწყვეტი კვების სისტემის რეზერვირების ტოპოლოგია და კონფიგურაცია;

არსებული სისტემის კონფიგურაცია და ტექნიკური მონაცემები შემდეგია:

უწყვეტი ელექტრო კვების სისტემა		
 42U 60cm. BladeUPS-ის მოდული	მწარმოებელი	EATON
	მოდელი	BladeUPS p/n ZC122P060100000
	გაბარიტები(WxHxD)	450 x (3x6U) x 650mm
	სტანდარტები	EN62040-2-Class A, UL1778, ANSI C62.41 Cat B-3
	ეფექტურობის მაჩვენებელი	>97%
	შემავალი ძაბვა	311 – 519v
	შემავალი დენის სიხშირე	45-55Hz
	შემავალი სიმძლავრის კოეფიციენტი	>0.99
	გამომავალი ძაბვა	3phase + N 380v
	გამომავალი დენის სიხშირე	50Hz ±0.1%
	გამომავალი ძაბვის არასტაბილურობა	<3%
	ერთი მოდულის გამომავალი სიმძლავრე	12kW
	მოდულების რაოდენობა სისტემაში	4
	სისტემის ნომინალური სიმძლავრე (რეზერვირების გარეშე)	48kW
	სისტემის ნომინალური სიმძლავრე (რეზერვირებით)	36kW
	გამომავალი დენის სიმძლავრის კოეფიციენტი	1
	რეზერვირების სქემა	3+1(36kW+12kW)
	ავტონომიის დრო	20min at 85% load
	საკომუნიკაციო ინტერფეისი	SNMP/WEB/TELNET p/n 116750221-001
	წონა	480კგ

2.4 მიწოდების პირობები და ვადები:

მომსახურება უნდა განხორციელდეს ხელშეკრულების გაფორმებიდან 15 (თხუთმეტი) სამუშაო დღის განმავლობაში ;

2.5. პრეტენდენტის მიერ ერთიან ელექტრონულ სისტემაში ასატვირთი მონაცემები:

2.5.1. რეკვიზიტები დანართი N1-ის მიხედვით.

2.5.2 ფასების ცხრილი, მიწოდების ვადები და პირობები დანართი N2-ის მიხედვით.

2.5.3. ინფორმაცია სერტიფიცირებული (მოწვეული) ინჟინერის შესახებ.

შენიშვნა:

1. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის N 9 ბრძანებით დამტკიცებული „ გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2 ¹ პუნქტის შესაბამისად იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.
2. პრეტენდენტი ვალდებულია სახელმწიფო შესყიდვების ერთიან ელექტრონულ სისტემის მეშვეობით წარმოადგინოს ფასწარმოქმნის ადეკვატურობის დამადასტურებელი დოკუმენტი შემსყიდველის წერილობითი მოთხოვნიდან 5 (ხუთი) სამუშაო დღის ვადაში.

3. დამატებითი ინფორმაცია

სატენდერო დოკუმენტაციასთან დაკავშირებით განმარტების ან/და დაზუსტების მიღება პრეტენდენტს შეუძლია წერილობითი მიმართვის შემთხვევაში შემდეგ მისამართზე: ქ. თბილისი, საქართველო, გ. ფანჯიკიძის ქ. N1ა, სსიპ „განათლების მართვის საინფორმაციო სისტემა“.

საკონტაქტო პირები:

გიორგი მეტრეველი, gmetreveli@emis.ge ტელ: 577-15-87-27;

გიორგი მიქაია gmikaia@emis.ge ტელ: 577-78-18-28.

4. ხელშეკრულება სახელმწიფო შესყიდვის შესახებ

გამარტივებული ელექტრონული ტენდერი SPA -----

ხელშეკრულება № _____

(პროექტი)

წინამდებარე ხელშეკრულების პირობები დაზუსტდება ტენდერში გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართულ ექნება ხელშეკრულებას, როგორც მისი განუყოფელი ნაწილი.

ქ. თბილისი

----- 2016 წელი

ერთის მხრივ სსიპ განათლების მართვის საინფორმაციო სისტემა (შემდგომში „შემსყიდველი“), წარმოდგენილი ----- სახით და მეორეს მხრივ ----- (შემდგომში „მიმწოდებელი“) წარმოდგენილი ----- სახით შესყიდვის მიზნით ჩატარებული გამარტივებული ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

1. ტერმინთა განმარტება

1.1 „ხელშეკრულება სახელმწიფო შესყიდვის შესახებ“ - შემსყიდველსა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

3. ხელშეკრულების საგანი

2.1. მონაცემთა ცენტრის უწყვეტი კვების სისტემის შეკეთება/აღდგენა;

2.2. ხელშეკრულებით გათვალისწინებული მომსახურების პირობები მოცემულია შესყიდვის ობიექტის აღწერილობაში, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.

3. ხელშეკრულების ღირებულება და ანგარიშსწორების პირობები

3.1 ხელშეკრულების ღირებულება შეადგენს: _____ ლარს (დღგ-ს ჩათვლით).

3.2 შესყიდვის ობიექტის ერთეულის და საერთო ფასი განისაზღვრება ხელშეკრულების დანართის შესაბამისად.

3.3 ხელშეკრულების ღირებულება მოიცავს შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.

3.4 ანგარიშსწორება მოხდება უნაღდო ანგარიშსწორებით ლარში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

3.5 ანგარიშსწორება განხორციელდება კანონმდებლობით გათვალისწინებული დოკუმენტების სრულყოფილად გაფორმებიდან 10 (ათი) სამუშაო დღეში.

3.7 დაფინანსების წყარო: **2016 წლის საბიუჯეტო სახსრები.**

4. ხელშეკრულების მოქმედების ვადები

ხელშეკრულება ძალაში შედის 2016 წლის ----- და მოქმედებს 2016 წლის ----- ჩათვლით.

5. შესყიდვის ობიექტის მიწოდების პირობები

5.1 მომსახურება უნდა განხორციელდეს ხელშეკრულების გაფორმებიდან 15 (თხუთმეტი) სამუშაო დღის განმავლობაში.

5.2 მომსახურების მიწოდების ადგილია: ქ. თბილისი ალექსიძის 1 ა.

6. ხელშეკრულების ინსპექტირება

6.1 შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2 ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

6.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. შესყიდვის ობიექტის მიღება-ჩაბარების წესი

7.1 ხელშეკრულებით გათვალისწინებული მომსახურების მიღება დასტურდება მხარეებს შორის მიღება-ჩაბარების აქტის გაფორმებით, მას შემდეგ რაც შემსყიდველის მხრიდან ინსპექტირებისას არ იქნება გამოვლენილი მომსახურების რაიმე ნაკლი ან ხარვეზი.

7.2 შემსყიდველის მხრიდან მიღება-ჩაბარების აქტის ხელმოწერაზე პასუხისმგებელი პირია -----

7.3 მიმწოდებლის მხრიდან აქტის ხელმოწერაზე პასუხისმგებელი პირია -----

8. მხარეთა ვალდებულებები და პასუხისმგებლობა

8.1 მიმწოდებელი ვალდებულია უზრუნველყოს ხელშეკრულების განსაზღვრული მომსახურების მიწოდება უნაკლოდ, თუკი მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.

8.2 მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.3 შემსყიდველი ვალდებულია გადაიხადოს მომსახურების ღირებულება ამ ხელშეკრულებით გათვალისწინებული პირობებით;

8.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

8.5 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

8.6 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.7 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

9. ფორს-მაჟორი

9.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

9.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

9.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუფხავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების

გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებებისაგან.

10. ხელშეკრულებაში ცვლილებების შეტანის და შეწყვეტის წესი

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ მხარეთა შორის წერილობითი ფორმით შედგენილი შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების 10.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

11. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

12. დასკვნითი დებულებები

ხელშეკრულება შედგენილია თანაბარი იურიდიული ძალის მქონე სამ ეგზემპლარად ქართულ ენაზე (ორი რჩება შემსყიდველს, ერთი – შემსრულებელს).

13. მხარეთა რეკვიზიტები:

შემსყიდველი:

მიმწოდებელი:

პრეტენდენტის შეთავაზება

1. პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის თანამდებობა, სახელი, გვარი	
პრეტენდენტის იურიდიული ან/და ფაქტიური მისამართი	
საიდენტიფიკაციო კოდი	
პრეტენდენტის ტელეფონის და მობილურის ნომერი	
ელექტრონული მისამართი	
მომსახურე ბანკის დასახელება	
ბანკის კოდი	
ანგარიშსწორების ანგარიში	

პრეტენდენტის ხელმოწერა -----

მომსახურების ხარჯთაღრიცხვა

მომსახურების დასახელება	განზ.	ერთ.ფასი	საერთო ღირებუ ლება
ჯამური ღირებულება			

პრეტენდენტის ხელმოწერა -----